БОҒОТ ТУМАНЛАРАРО ИҚТИСОДИЙ СУДИНИНГ АЖРИМИ

(даъвони кўрмасдан қолдириш ҳақида)

Боғот тумани

2024 йил 29 июль

судья: А.Туракулов

Боғот туманлараро иқтисодий судининг раиси, судья А.Туракулов раислигида, судья ёрдамчиси Р.Жуманиёзов котиблигида, Боғот туманларо иқтисодий суди биносида очиқ суд мажлиси муҳокамасида, Боғот тумани фермер, деҳқон ҳўжаликлари ва томорқа ер эгалари кенгаши даъвогар "Рўзибоев Собир Рўзибоевич" фермер ҳўжалиги манфаатида жавобгар "GREAT COTTON EXPORT" масъулияти чекланган жамиятидан жами 222 296 744 сўм ундириш тўғрисидаги даъво аризаси бўйича ишни жавобгар вакили М.Сапаев (ишончнома асосида), иштирокида кўриб чиқиб, қуйидагиларни

аниклади:

Боғот тумани фермер, деҳқон хўжаликлари ва томорқа ер эгалари кенгаши даъвогар "Рўзибоев Собир Рўзибоевич" фермер хўжалиги манфаатида жавобгар "GREAT COTTON EXPORT" масъулияти чекланган жамиятидан жами 222 296 744 сўм ундиришни сўраган.

Суд мажлисида иштирок қилган жавобгар вакили иш ҳолатлари юзасидан тушунтириш бериб, низо юзасидан тарафлар ўртасида медиатив келишув тузилганлигини маълум қилди.

Суд ишда иш хужжатларини ўрганиб чиқиб, қуйидагиларга кўра даъвони кўрмасдан қолдиришни лозим топади.

Ўзбекистон Республикасининг "Медиация тўтрисида" ги Қонуни 29-моддасининг биринчи қисмига кўра, медиация тартиб-таомилини амалга ошириш натижалари бўйича тарафлар келиб чиккан низо ёхуд мажбуриятларни бажариш шартлари ва муддатлари хусусида ўзаро макбул карорга эришган такдирда, тарафлар ўртасида ёзма шаклда медиатив келишув тузилади.

Шунга кўра, тарафлар ўртасида 2024 йил 26 июлдаги тузилган медиатив келишувнинг шартларига кўра, жавобгар қолган асосий қарзни 102 824 098,88 сўм асосий қарзини қирқ беш кун ичида тўлаб беришни ўз зиммасига олган, даъвогар 34 000 сўм почта харажатидан воз кечган.

ИПК 107-моддасининг биринчи қисми 5^3 -бандига кўра, тарафлар ўртасида медиатив келишув тузилган бўлса, суд даъвони кўрмасдан қолдиради.

ИПКнинг 131-моддасига кўра, тарафлар низони келишув битимини ёки медиатив келишувни тузиб ҳал этиши мумкин. Келишув битими ёки медиатив келишув даъво тартибидаги ҳар қандай иш бўйича тузилиши мумкин. Келишув битими иқтисодий суд ишларини юритишнинг ҳар қандай босқичида

ва суд хужжатини ижро этиш жараёнида, медиатив келишув эса биринчи инстанция судида суд алохида хонага (маслахатхонага) суд хужжатини қабул қилиш учун чиққунига қадар тарафлар томонидан тузилиши мумкин.

Келишув битими у суд томонидан тасдиқланганидан кейин тузилган хисобланади.

Тарафлар томонидан профессионал медиатор Абдукуххарова Одинабону Ойбек қизи кумагида медиатив келишув тузилган.

Шунга асосан, суд тарафлар ўртасида медиатив келишув тузилганлиги сабабли, даъвони кўрмасдан қолдиришни лозим деб топади.

Ўзбекистон Республикасининг "Давлат божи тўгрисида"ги Қонуни 18-моддаси биринчи қисми 9-бандида, агар тарафлар ўртасида медиатив келишув тузилган бўлса, ариза кўрмасдан қолдирилганда давлат божи қайтарилиши белгиланган.

Юқоридагиларни инобатга олиб, суд даъвони кўрмасдан қолдиришни, почта харажатини даъвогар зиммасида қолдиришни лозим топади.

Юқоридагиларга асосан ва Ўзбекистон Республикасининг Иқтисодий процессуал кодексининг 107, 118, 131 ва 195-моддаларини қўллаб, суд

ажрим килди:

Боғот тумани фермер, деҳқон хужаликлари ва томорқа ер эгалари кенгаши даъвогар "Рузибоев Собир Рузибоевич" фермер хужалиги манфаатида берган даъво аризаси курмасдан қолдирилсин.

Мазкур ажрим устидан апелляция тартибида шикоят бериш (протест келтириш) мумкин.

Судья А.Туракулов

